

Bosna i Hercegovina
Federacija Bosne i Hercegovine
Kanton Sarajevo
Općina Novi Grad Sarajevo
Javna ustanova Osnovna škola „Osman Nuri Hadžić“ Sarajevo
Ulica: Lava Tolstoja broj 6, 71000 Sarajevo

Na osnovu člana 108. i 109. Zakona o odgoju i obrazovanju u osnovnoj i srednjoj školi u Kantonu Sarajevo (*„Službene novine Kantona Sarajevo“ broj 27/24*), članova 3. i 4. Pravilnika o izboru, imenovanju i razrješenju direktora osnovnih škola Kantona Sarajevo (*„Službene novine Kantona Sarajevo,“ broj: 2/18.,32/18 i 30/19*) te Odluke Školskog odbora JU OŠ „Osman Nuri Hadžić“ broj: 01-1476-01-3/17/25 od 17.09.2025.godine, Školski odbor JU OŠ „Osman Nuri Hadžić“ raspisuje:

JAVNI KONKURS

**Za izbor direktora/direktorice Javne ustanove Osnovna škola „Osman Nuri Hadžić“
Sarajevo na mandatni period od četiri godine**

I. USLOVI ZA IMENOVANJE DIREKTORA:

Pored općih uslova predviđenih Zakonom, kandidat za poziciju direktora/direktorice škole mora ispunjavati i sljedeće uslove:

- a)** da u pogledu stručne spreme ispunjava uvjete za radna mjesta nastavnika, pedagoga, pedagoga-psihologa, psihologa škole u kojoj konkuriše;
- b)** da ima najmanje osam godina radnog staža a od toga ukupno najmanje pet godina radnog staža na poslovima radnih mjesta iz tačke a) ovog konkursa ili na rukovodnim poslovima u školi (poslovi direktora ili pomoćnika direktora/voditelja dijela nastavnog procesa);
- c)** da ima najmanje visoku stručnu spremu ili najmanje završen I ciklus bolonjskog visokoobrazovnog procesa sa 240 ECTS bodova;
- d)** da ima najmanje stručno zvanje mentora;
- e)** da nije otpušten iz državne službe kao posljedica disciplinske mjere na bilo kojem nivou u BiH, u periodu od tri godine od dana prijavljivanja na javni konkurs;
- f)** da se na njega ne odnosi član IX. stav 1. Ustava Bosne i Hercegovine (lica koja služe kaznu ili su pod optužnicom od strane Međunarodnog tribunala za bivšu Jugoslaviju, a koja se nisu povinovala naredbi da se pojave pred Tribunalom);
- g)** da nije osuđivano za krivično djelo i privredni prijestup nespojiv sa obavljanjem dužnosti direktora/direktorice;
- h)** da nema privatni finansijski interes u školi u kojoj se kandiduje za direktora;
- i)** da nije lice koje boluje od zarazne ili duševne bolesti;
- j)** da nije alkoholičar, odnosno ovisnik o opijatima;
- k)** da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više;

l) da nije lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine ("Službene novine Federacije BiH" br. 70/08) i Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH" br. 12/03, 34/03 i 65/13) kao ni lice koje ima smetnje za imenovanje i obavljanje funkcije u skladu sa Zakonom o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22- Ispravka i 52/22- Ispravka);

m) da nije lice razriješeno dužnosti direktora/direktorice zbog dokazanog kršenja zakona, korupcije, mita, nepotizma, profesionalne nekompetentnosti ili nemara, nesavjesnog i nestručnog obavljanja poslova direktora/direktorice;

n) za direktora Škole ne može ponovo biti izabrano lice koje je u istoj školi birano četiri puta na poziciju direktora ili pomoćnika direktora/voditelja dijela nastavnog procesa;

II. SADRŽAJ PRIJAVE

Kandidati su dužni dostaviti sljedeću dokumentaciju u originalu ili ovjerenu fotokopiju:

1. Svojeručno potpisanu prijavu na Javni konkurs sa tačno navedenim kontakt podacima i traženom konkursnom dokumentacijom u prilogu;
2. Kraća biografija—CV;
3. Diplomu o stečenoj stručnoj spremi;
4. Izvod iz matične knjige rođenih;
5. Uvjerenje o državljanstvu (ne starije od šest mjeseci od dana objavljivanja Javnog konkursa);
6. Uvjerenje o položenom stručnom ispitu;
7. Rješenje o sticanju višeg stručnog zvanja;
8. Potvrdu/uvjerenje o radnom stažu na poslovima u nastavi ili pedagoško-psihološkim poslovima ili na rukovodnim poslovima u školi (poslovi direktora ili pomoćnika direktora/voditelja dijela nastavnog procesa);
9. Izjavu ovjerenu od strane nadležnog općinskog organa kojom kandidat potvrđuje da nije otpušten iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana prijavljivanja na Javni konkurs;
10. Izjavu ovjerenu od strane nadležnog općinskog organa kojom kandidat potvrđuje da se na njega ne odnosi član IX 1. Ustava Bosne i Hercegovine (lica koja služe kaznu ili su pod optužnicom od strane Međunarodnog tribunala za bivšu Jugoslaviju, a koja se nisu povinovala naredbi da se pojave pred Tribunalom);
11. Izjavu ovjerenu od strane nadležnog općinskog organa kojom kandidat potvrđuje da nije osuđivan za krivično djelo i privredni prijestup nespojiv sa obavljanjem dužnosti direktora škole;
12. Izjavu ovjerenu od strane nadležnog općinskog organa kojom kandidat potvrđuje da nema privatni finansijski interes u školi u kojoj se kandiduje za direktora;
13. Izjavu ovjerenu od strane nadležnog općinskog organa kojom kandidat potvrđuje da nije lice koje boluje od zarazne ili duševne bolesti;
14. Izjavu ovjerenu od strane nadležnog općinskog organa kojom kandidat potvrđuje da nije alkoholičar, odnosno ovisnik o narkoticima;

15. Izjavu ovjerenu od strane nadležnog općinskog organa kojom kandidat potvrđuje da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona Federacije Bosne i Hercegovine može izreći kazna zatvora u trajanju od tri mjeseca i više;
16. Izjavu ovjerenu od strane nadležnog općinskog organa kojom kandidat potvrđuje da nije lice koje ima smetnje za imenovanje i obavljanje funkcije u skladu sa Zakonom o sukobu interesa u organima vlasti u Federaciji Bosne i Hercegovine ("Službene novine Federacije BiH" broj. 70/08) i Zakonom o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH" br. 12/03, 34/03 i 65/13) kao ni lice koje ima smetnje za imenovanje i obavljanje funkcije u skladu sa Zakonom o prevenciji i suzbijanju korupcije u Kantonu Sarajevo ("Službene novine Kantona Sarajevo", br. 35/22, 44/22- Ispravka i 52/22- Ispravka);
17. Izjavu ovjerenu od strane nadležnog općinskog organa kojom kandidat potvrđuje da nije lice razriješeno dužnosti direktora zbog dokazanog kršenja zakona, korupcije, mita, nepotizma, profesionalne nekompetentnosti ili nemara, nesavjesnog i nestručnog obavljanja poslova direktora;
18. Izjavu ovjerenu od strane nadležnog općinskog organa kojom kandidat potvrđuje da nije lice koje je u istoj školi birano za direktora Škole četiri puta na poziciju direktora ili pomoćnika direktora/voditelja dijela nastavnog procesa;

Datum i izjave navedene u prethodnim tačkama od 9. do 18. ne mogu biti stariji od tri mjeseca od dana prijavljivanja na Javni konkurs.

Napomena za kandidate:

- Uvjerenje da nije lice protiv kojeg je potvrđena optužnica ili izrečena pravosnažna presuda ili mjera za jedno ili više krivičnih djela za koja se odredbama važećeg Krivičnog zakona može izreći kazna zatvora u trajanju od tri mjeseca i više, te uvjerenje da nije osuđivan za krivično djelo i privredni prijestup nespojiv sa obavljanjem dužnosti direktora (ne starije od tri mjeseca), bit će pribavljeno po službenoj dužnosti za izabranog kandidata, prije imenovanja.
- Ljekarsko uvjerenje izdato od nadležne zdravstvene ustanove (kao dokaz opće zdravstvene sposobnosti) koje nije starije od šest mjeseci, izabrani kandidat dostavlja Školi nakon imenovanja direktora škole a prije potpisivanja ugovora o radu.

III. ROK ZA PODNOŠENJE PRIJAVA KANDIDATA NA JAVNI KONKURS

- Javni konkurs za izbor direktora odnosno direktorice JU OŠ "Osman Nuri Hadžić" ostaje otvoren 15 (petnaest) dana od dana posljednjeg objavljivanja.
- Javni konkurs objavljen je u dnevnim novinama "Dnevni avaz" dana 20.09.2025.godine kao i na službenoj stranici Ministarstva za odgoj i obrazovanje Kantona Sarajevo.
- Krajnji rok za dostavljanje prijava i prateće dokumentacije je 05.10.2025.godine.

IV. VRIJEME ZA KOJE SE VRŠI IMENOVANJE

Direktor škole će se imenovati na period od četiri godine, počev od isteka mandata direktora JU OŠ "Osman Nuri Hadžić" Sarajevo i u skladu sa odlukom Školskog odbora o imenovanju direktora škole.

V. NAČIN I ROK OBAVJEŠTAVANJA KANDIDATA O REZULTATIMA KONKURSA

Školski odbor, u roku od 8 (osam) dana od dana donošenja Odluke o imenovanju direktora, o navedenoj Odluci u pisanom obliku obavještava sve kandidate koji su se prijavili na javni konkurs.

VI. DOSTAVLJANJE DOKUMENTACIJE

Kandidati svojeručno potpisanu pisanu prijavu i dokumentaciju kojom potvrđuju da ispunjavaju uvjete iz Javnog konkursa dostavljaju poštom preporučeno na adresu: **JU OŠ "Osman Nuri Hadžić" Sarajevo, ulica Lava Tolstoja broj 6., 71000 Sarajevo,** ili lično sekretaru škole u zatvorenoj koverti sa naznakom „Prijava na javni konkurs za izbor direktora/direktorice škole- ne otvaraj (otvara Komisija)“

Napomena kandidatima: Prijave koje su nepotpune i neblagovremene neće se uzeti u razmatranje.

**ŠKOLSKI ODBOR
JU OŠ "OSMAN NURI HADŽIĆ" SARAJEVO**